



Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

78. Ruremundae in Gelria nobilium virginum monasterium, ord.
Cistertiensis, à Gerardo Gelriae Comite, eiusq[ue] coniuge Margarita,
conditur & dotatur an. 1218.

urn:nbn:de:hbz:466:1-10903

Aliud est Seclinum, *Seclin*, municipium agri Insulensis in Flan-
dria, collegio Canonicorum similiter clarum.

C A P V T L X X V I I I .

*Ruremunda in Gelria nobilium virginum monasterium, ord. Ci-
stertiensis, à Gerardo Gelria Comite, eiusq; coniuge Mar-
garita, conditum & dotatum an. 1218.*

IN nomine sanctæ & indiuiduæ Trinitatis. Ego GERHARDVS,
Comes Gelrensis, omnibus hoc scriptum inspecturis salutem
in eo qui est salus omnium. Quæ geruntur in tempore, ne labantur
cum tempore, poni solent sub lingua testium, & scripturæ memo-
ria perennari.

Ideo siquidem notum esse cupio tam præsentibus quâm futuris,
quod cum venerabilis mater mea RICHARDIS nomine, seculari-
bus negotijs fastidita, sancti Spiritus inspirante gratia, veterem ho-
minem exuere, & nouum, videlicet Cistertiensis ordinis habitum,
induere decreuisset, extra fines proprios in partes extraneas propo-
suit declinare. Vnde non modica correptus tristitia, cum amico-
rum meorum vñā mecum instantia, ab hoc tandem proposito vix
fuit reclinata. Ipsam enim in proprijs patriæ malebam prædijs de-
dere sub ordine desiderato, quâm in alienis partibus prædicto mo-
do conuersari.

Igitur ego Gerhardus & MARGARETA, coniux mea, vñā cum
filio nostro OTTONE, pium eius desiderium studentes promo-
uere, supplicatu nostro, eam, personis Cistertiensis, tam fra-
trum quâm sanctimonialium, Cistertiensis ordinis, sibi prouidè de-
putatis, in opidum nostrum RVREMUNDE honorifice perduximus;

Et ecclesiam B. Mariæ semper virginis, ibidem in prædio nostro
constructam, cum omni iure suo, quo nobis dignoscetur attine-
re, & præterea quadraginta areas circumiacentes, & tres areas quas
contulit quidam Hermannus, cum Anca dictus, cum omnibus at-
tentijs suis, atque bona alia, quæ in præsenti pagina consequenter
inueniuntur expressa, in remedium animarum nostrarum, paren-
tum ac prædecessorum nostrorum, Deo & B. Mariæ semper virgini
obtulimus;

Conferentes

Conferentes ea venerabili matri nostræ in eadem ecclesia Abbatissæ ac Conuentui, ibidem Domino deseruienti, perpetuò possi-
denda; ius quoque patronatus ecclesiarum *GELREN*, videlicet no-
uæ & veteris, cum totali decima & siluis ac alijs attinentijs suis;
patronatum ecclesiæ *Kettene*, cum totali decima, & siluis; ac cete-
ris attinentijs suis; patronatum ecclesiæ *Rodhem*, cum totali deci-
ma & siluis atque alijs attinentijs suis. Decimam tamen eamdem
ecclesiarum statuimus, sic ut nunc est, permanendam, & silvas si-
ne consensu nostro nec vastandas omnino, nec in noualia redi-
gendas.

Statuimus quoque easdem ecclesias nulli clero sacerdotali, sed
fratribus prædicti cœnobij conferendas; & si præfatus Conuentus
fratrum defectum patiatur, sacerdtales clericos tamquam vicarios
instituat. Præterea unam marcam ad luminaria prædictæ ecclesiæ
de fermento ceruisia, quod vulgo *Grut* nuncupatur, annuatim ex-
soluendam, & tantum ejusdem fermenti, quantum sæpedictus
Conuentus ad ceruisiæ necessæ habuerit, ordinauimus ipsi perpe-
tuò administrandum.

Quidam autem nomine Godefridus de Mirlare dimidium man-
sum in *Hamme*, qui quattuor solidos Leodiensis monetæ singulis
annis soluit, à nobis iure feodali tenuit, quem cuidam, nomine Si-
berto de Biersbeke, simili iure quo tenuerat, concessit, quique
quemdam, *Winandum* nomine, hereditario pacto in præfata
terram, videlicet prædictorum solidorum instituit; quam . . . ter-
ram, consensu prænominatorum virorum, comparauit suprnomi-
nati loci Conuentus.

Nos igitur, ut nihil de contingentibus omittetur, sæpedictos
solidos, in reuerentiam Matris misericordiæ, eidem Conuentui
perpetuò donauimus. Item unum molendum in *Rura*, & quar-
tam partem unius iugeris, iuxta curiam *Muckenbruke* prælibato
Conuentui contradidimus, in perpetuum possidenda....

Tali vero conditione interueniente, bona superiùs memorata,
cum attinentijs suis, sæpedicto Conuentui contulimus, ut si casu
enimdem Conuentum de loco, in quo nunc est, in alium locum, si-
ne nostro consensu, transferri contigerit in posterum, supradicta
bona ad nos liberè redeant possidenda. Præterea ne aliquis succes-
torum nostrorum, repletus inuidia, sæpedicta bona prænominato

B b b

Conuen-



Conuentui minuere valeat, aut omnimodis auferre, presentem paginam nostri sigilli munimine roborauius. Testes vero,

Vir nobilis Henricus de Monte,

Et Waltherus de Eile,

Et Gerhardus de Barsdunc, & frater suus Henricus,

Et Gerhardus de Rotheim, & Arnoldus de Wachtendunc,

Theodericus Aduocatus in Ruremunde,

Et Nicolaus scriptor, & alij quam plures.

1224. Datum Traiecti anno Dominicæ incarnationis millesimo ducentesimo vicesimo quarto, xvi. Kal. Iulij.

N O T A T I O N E S.

Diploma istud eius an. 1224. sit scriptum, ex epitaphio tamen fundatorum, quod marmori incisum legitur Ruremunda in hoc ipso cœnobio, constat illud an. 1218. fundatum fuisse: Anno Domini M. CC. XXIX. ipso die S. Seueri Episcopi, obiit Gerardus Comes Gelriæ & Zutphaniæ, qui cum Margareta coniuge sua monasterium istud fundavit, anno M. CC. XVIII. ambo in hoc loco sepulti.

Cœnobium istud vulgo Munster-clooster nuncupatur, & illius Visitator est Abbas Campi veteris prope Rhenobercam, de quo supra hoc libro cap. 42. egit.

ADVOCATVS in Ruremunde,) vernaculè Voecht: quæ dignitas hodie est penes familiam de Viuersem.

C A P V T L X X I X.

Contractus antenuptialis, inter Henricum Blondum Comitem Lucebursensem & Margaritam Barrensem, an. 1231. initu: quo contractu Lineum familia Luceburgica accessit.

EGO ERMENSINDIS, Comitissa Lucemburgensis, Marchionis Arlunensis, omnibus præsentes litteras inspecturis notum facio, quod HENRICVS dominus de Lucemburg, filius meus, ducere debet in vxorem MARGARETAM, filiam domini Henrici Comitis Barrensis: & idem Comes dedit filio meo prædicto in maritatio-

gio